

Anochi informativo pa musiconan di Steelpan

ORANJESTAD- E comunidad di musiconan di Steelpan a haya oportunidad pa drenta den combersacion cu otro diaran-son ultimo durante un encuentro informativo na biblioteca.

Fundacion Herencia Cultural Inmaterial a organisa e encuentro informativo cu e meta di trece poco mas informacion di e tradicion rico aki na Aruba y pa drenta den discusion con ta e miho manera pa pasa e tradicion musical aki pa hubentud y otro interesadonan.



Durante e anochi a presenta un poco di e historia di musica Steelpan pa medio di un documentario di Rebecca Roos (produccion) y Giovan-

ni Muller (direccion, narracion y script). E documentario ta carga e titulo 'Steelband: eco di un gran epoca' y ta forma parti di e serie 'Tesoro

Arubano' di Rebecca Roos. E produccion aki ta riba YouTube. Pa medio di e documentario publico presente por a haya un bon idea di e historia di e genero di musica Steelpan y e desaroyonan.

Despues e discusion a cuminsa riba presente y futuro di e genero di musica aki. E combersacion tabata bou guia di Lee Connor y Gregory Richardson. Nico a conta algo di su experiencia di biba y pasa e tradicion musical pa otro y su plannan pa futuro. Tambe el a duna un relato di e obstaculonan cu ta haya na caminda. Otro tocadornan



di Steelpan tabata presente y a duna nan punto di bista, tambe amante di musica di steelpan y otro interesadonan a duna poco comentario y a haci pregunta. □